

Sim Gyaez Lajmbanj

□ Vangz Civeij / 黄志伟

It、Haetromh Lajmbanj

Duzroeg ciuz sing daih’it, gyoengq bya yaepyet hai da. Rumz boq gofaex bivang’vang, lumj goengq bya ninz ngamq hwnq, aeu fwngz nu lwgda nei.

Gwnz bya, mok doxgot doxheux, lumj mbaw baengzsa goemq aen naj nei. Sing daxboh hat duzcwz, hawj daengngoenz ndiu gvaqdaeu lo. Gyoengq lwg goengq bya, gwed gvak dawz ging, byaij youq gwnz roen haetromh.

Duzcwz youq ndaw naz cae mbouj dingz, daxboh cae gaiq naz mbouj bienq, geu buh daxboh, baihlaeng dumz ndaej ndangq fonx ndangq fonx. Hanh lae rim najbyak, baez cat hanh couh doek roengz ndaw namh bae.

Duzcwz heuh “momo”, dwg mbouj dwg heuh daxboh yietnaiq yaep he? Daxboh gej ek duzcwz, youq haenz naz cit ien baepbaep.

Rumz biufefe, gyoengq mehmbwk youq baihlaeng daxboh: Doek ceh、dwk bwnh、goemq namh…… Angqangq riuriu, gaenx guh mbouj rox baeg nei.

Haetromh lajmbanj, song din vunzmbanj byaij mbouj dingz; haetromh lajmbanj, haujlai gij goj ngamq hainduj……

Ngeih、Gyanghwnz Lajmbanj

Mbwn laep mboq ciengq go, duzcwz angq dauq riengh. Seizcin banhaemh, vunzmbanj miz boux rap fwngz, miz boux gwed cae, miz boux aemq byaekcw duq duzcwz duzyiengz dauqranz. Gyoengq duzyiengz doq daeuq gau doq buet byaij. Yiengzdaeg riengz yiengzmeh, nanz mbouj nanz gwih hwnj gwnz yiengzmeh bae, hawj henz roen mehmbwk langh vaiz dauq, raen le naj nding naj ndat.

Daengngoenz doek roengz bo lo, ranzranz yiengj “fabfab”, dwg vunzmbanj bae doengh dauq faeg byaek-

mou. Duzmou youq ndaw riengh, duz hung duz iq ndaejni gij sing neix le, couh heuh lix heuh dai. Daxboh rap rap mok daengz henz riengh, dawz aen biuz vadvad ndaq: “Heuh maz heuh? Gou baeg baenzngoenz caengz ndaej gwn, sou lij heuh?” De doq ndaq doq daek mok haeu ndaw ruq. Gyoengq mou duzduz doxciengj gwn, gwn ndaej aen dungx duengq daengz gwnznamh bae.

Daxmeh dawz byaek hwnj cong lo, daxboh maij cau duhmeuz soengq laeuj, laeuj gwn boi dem boi, vah gangj coenz doek coenz. Daxboh heiqlaeuj cingq hwnj naj seiz, bohlungz ranznden daeu lo. De ngamq haeu bakdou, couh eu fwen hwnjdaeu:

“Ndaeng gou hom riengz laeuj, Yamq nduj daeu bak ranz. Beixnuengx gwn caengh van, Song yamq daengz henz cong.”

Daxboh bekfwnz, daxmeh dem vanj dawh hawj bohlungz.

Bohlungz dwg boux canghfwen ndeu. De ndaej 12 bi seiz, daxboh de bae vat maenzbya doek roengz gumz dai bae lo. Doeklaeng, de couh eu fwen daeu danq haemzhoj, baez nanz de couh aj bak baenz fwen lo.

Haemhneix, ronghndwen goz lumj set. Gij sing fwen bohlungz

caeuq daxboh youq gyanghwnz ndaw mbanj heuxgyaux, humx bya humx rungh.

Sam、Gij Hoenz Bya

Bya ndaw mbanj, goengq rangh goengq, mbaq nem mbaq. Aen mbanj youq laj din bya, ciengz deng raemx dumx. Bide seizhah, miz ngoenz fwn doek 3 aen lai cungdaeuz, raemxrongz cung haeu ndaw mbanj, raemx dumx daengz ndaw mbonq. Daxboh heuh coenz ndeu, gyoengq bouxcoz ndaw mbanj gaemz heiq ndeu aemq gyoengq bouxgeq hwnj bya sang bae. Byajraez byaijbet, rumz boq fwn soen, baez yaep da, aen mbanj bienqbaenz aen haij.

Raemxrongz doiq le, ranz laemx haeux naeuh. Bouxsai ndaw mbanj, mad bae raemxda, caiq guh ranz moq. Vat namh, daem ciengz, yo saeu, goemq vax, aen ranz youq ndaw riuriu angqangq laeb hwnjdaeu lo. Mbouj geij nanz, gaiqgaiq reihnaz deng raemx cung dumx youh loeg hwnjdaeu lo, duzcwz duzyiengz youh heuh lo, fwenleux youh eu hwnjdaeu lo!

Vunz ndaw mbanj, bouboux dwg goengq bya he; vunz ndaw mbanj, bouboux dwg aen saeu he. Aen hauh bang gungz boq yiengj lo, vunzmbanj

con bya hai roen, byaij hwnj roen baenzfouq, byaij hwnj roen vuenyungz.

Miz vah gangj “caek raemx bengz gvaq gim”. Gaxgonq bae rog mbanj rap raemx, raemx swiq naj swiq din ce hawj mou gwn. Doeklaeng, vunzmbanj vat cingj ra raemx, mbouj raen goek raemx mbouj daengx gvak. Haemhde, raemx laelele mbouj daengx. Ndaw mbanj bouxgeq lwnyiez angq ndaej doxgot doxumj. Bouxsai gingz vanj gwn laeuj, mehmbwk eu fwen hot dem hot, nauhyied beij gvaqcieng.

Seiq、Gyaez Goengqbya

Goengq bya ndeu, aen singz ndeu, faenh cingz ndeu, gyaez ciuh ndeu.

Ndae 20 bi seiz, gou boux dog byaij ok ndaw mbanj, hainduj youq baihrog youzlangh. Aen singz gvangq-lieglieg, mbouj miz goengqbya; gyoengqvunz baefoebfoeb, mbouj miz vunzmbanj. Moix baez baeg laemx roengz seiz, ndaw uk cungj dwg yiengj gij sing ndaw mbanj. Gij sing daxmeh heuh lwningq dauqranz, cungj hawj gou ndawsim raejruhrub; daxboh byonghhwnz hwnq gawq faex, cungj hawj gou roxnyinh gij saedcej onjdingh. Byaij youq laj yiemh ranz ndaw singz, gou mbouj gamj ngiengxgyaeuj, hix mbouj gamj ngeix ngoengzcog yaek bae gyawz?

Bi gvaq bi, boux dog yawj gij bauqva bimoq. Ngiengxgyaeuj yawj baih ranzmbanj, cungj roxnyinh song da saepsatsat, raemxda roengzbyoeg-byoeg. Gou siengj dawz laeuz sang ndaw singz beij guh goengq bya sang lajmbanj, hoeng, mbouj miz gyawz lumj. Gij bya lajmbanj, miz faex mwncupcup, miz roeg ciuzcece, miz sing fwen goeksasa……

Aiq dwg vunz ndaw bya gyaez aen rungj bya sang, mboujlwnh gou bae geijlai gyae, mboujlwnh gou youzlangh daengz gyawz, gou cungj ngeix gij bya hung bya sang lajmbanj.



“Byawz gangj?” Gou liuh mbouj daengz de fwt ndwn hwnjdaeu, song fwngz nyaenx song gen gou, haenqrengz ngauzauau, gij sing de nyanq lumj duzguk maenj: “Luenh gangj! Byawz gangj?”

Gou deng de hwk ndaej ca mbouj geijlai yaek daej lo, genfwngz deng de nyaenx ndaej gig in. Sawqmwh, de soeng fwngz lo, aen ndang lumj swghvah deng mbaet roengzdaeu cuengq haemh he nei, daengx aen unqnemnem cungj boep roengzbae lo.

Gou riu hwnj aenlamz, lij doeksaet caengz simdingh, yaek byaij okbae, hoeng genfwngz youh deng gaemhdawz lo. Gij yiengh Aulungz-gveiz haxbaenh lumj bouxsien dawz-

·Sawcuenhvaez Lwngnyez·

Gij Golwngnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

dou nei maenjgywdgywd fwt youh bienq yiengh lo, caeuq bingzciengz caeuq dou guhcaemz gangjriu doxdoengz. Gou caen mbouj rox de vihmaz yaep he angq yaep he huj, lumj baenzbag nei.

“Ah Byauh!” De gig doxndiep youh unqswnh dwk heuh aen coh gou, youh rag gou naengh youq aen eijfaex he, coux aen lamz ndaw fwngz gou

gvaqbae baij youq gwnz gvih ciengx ngwz: “Caeuq gou gwn nohngwz gonq, yaep he couh cawj baenz lo.”

“Mbouj, gou mbouj gamj gwn.”

“Yienghneix couh gwn bya! Na!”

De daj gwnz gaq dawz vanj hung cang nohbya cawj cug he, cuengq youq gwnz daiz iq, youh dawz song vanjdawh okdaeuj: “Mwngz gamj mbouj gamj gwn laeuj? Laeujhaeux

cab laeujmaknganx, vanyetyet.”

Gou mbouj hawj de raix laeuj youq ndaw vanj gou, gij laeuj caiq van gou hix mbouj miz yinxdaeuz.

De mbouj raix hawj gou lo, cij raix ndaej aen vanj de rimradrad.

“Mbouj gwn laeuj couh gwn bya, yawjyawj nohbya gou cawj beij mbouj beij meh mwngz cawj ndaej lai ndei.”

(caengz sat)